

Allannguutissatut siunnersuut

uunga

Uunga siunnersuut: Inatsisartut Naalakkersuisullu pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. Xxxx-imeersoq

Naalakkersuisunit aappassaanniigassanngorlugu saqqummiunneqartoq.

§ 1-imut

§ 1, nr. 1 imatut oqaasertalerneqassaaq:

"1. § 16-ip kingorna ilanngunneqassapput:

"§ 16 a. Aktiateqarluni ingerlatseqatigiiffinni Namminersornerullutik Oqartussanit tamakkiisumik ilaannakuusumilluunniit pigineqartuni aningaasaliinissamik qularnaveeqqusiinissamilluunniit allatulluunniit aningaasatigut iluaqusiinissamik pingaarutilinnik siunnersuutini qinnuteqaatinilluunniit ataatsimiititaliap suliarinninnerani atugassatut ingerlatseqatigiiffimmit pineqartumit, pisariaqarpat aktieselskabit pillugit inatsimmi ingerlatseqatigiiffiilluunniit malittarisassaanni periarfissiissutaasut atornerisigut, paasissutissanik erseqqinnerusumik nalunaakkanik pissarsiniarnissamik Aningaasaqarnermut Ataatsimiititaliap Naalakkersuisut peqqusinnaavai. Ataatsimiititaliap kaammattuineratigut paasissutissat Naalakkersuisut pissarsiatik kinguarsaanertaqanngitsumik ataatsimiititaliamut atugassanngortissavaat.

Imm. 2. Paasissutissat ataatsimiititaliamit pisariaqartutut nalilerneqartut tigungissaata tungaanut siunnersuutini qinnuteqaatinilluunniit imm. 1-imi taaneqartunik suliarinninnini ataatsimiititaliap unitsikkallarsinnaavaa.

Imm. 3. Paasissutissat isertuussassatut tunniunneqarsimappata ataatsimiititaliami ilaasortat allallu ataatsimiititaliap oqaluuserinninnerani najuuttut imm. 1 naapertorlugu ataatsimiititaliami ilisimalikkaminnik isertuussinissaminut pisussaataapput. Nutaatut ilaasortanngortoq kinaluunniit pisussaaffimmik tamatuminnga eqquutsitsinissamik uppernarsaalluni atsiussaaq."

Oqaaseqaatit nalinginnaasut

Inatsisartut Inatsisit Atortinneqarnerannut Ataatsimiititaliaat isumaqatigiissoq isumaliutissiissummini 25. oktober 2006-imeersumi Inatsisartut Naalakkersuisullu

pillugit Inatsisartut inatsisaata allanngortinneqarnera pillugu Inatsisartut inatsisissaattut siunnersuutip aappassanneerqarnissaanut (UPA 2006/98 aamma UKA 2006/18) Naalakkersuisunut kaammattuuteqarpoq allannguutissatut siunnersuuteqaqqullugit § 16a-p atuuffiinik annertusisitsisussamik aktiaateqarluni pigineqatigiiffimmi Namminersornerullutik Oqartussanit tamakkiisumik ilaannakuusumilluunniit pigineqartumi allatulluunniit aningaasatigut iluaqusiinissanik pingaarutilinnik aningaasaliissutissanut siunnersuutit qinnuteqaatilluunniit ilannguttussanngorlugittaaq.

Aalajangersakkanut ataasiakkaanut oqaaseqaatit

Nr. 1-imut

| §16a, imm. 1. – maannakkut oqaasertai | § 16a, imm. 1 – oqaasertai allanngortitat |
|--|--|
| Aktieselskabini Namminersornerullutik Oqartussanit tamakkiisumik ilaannakuusumilluunniit pigineqartuni aningaasaliinissamik qularnaveeqqusiinissamilluunniit siunnersuutiniq qinnuteqaatinilluunniit ataatsimiititaliap suliarinninnerani atugassatut ingerlatseqatigiiffimmit pineqartumit, pisariaqarpat aktieselskabit pillugit inatsimmi ingerlatseqatigiiffiulluunniit malittarisassaani periarfissiissutaasut atornerisigut, paasissutissanik erseqqinnerusumik nalunaakkanik pissarsiniarnissamik Aningaasaqarnermut Ataatsimiititaliap Naalakkersuisut peqqusinnaavai. | Aktiaateqarluni ingerlatseqatigiiffinni Namminersornerullutik Oqartussanit tamakkiisumik ilaannakuusumilluunniit pigineqartuni aningaasaliinissamik qularnaveeqqusiinissamilluunniit <i>allatulluunniit aningaasatigut iluaqusiinissanik pingaarutilinnik</i> siunnersuutiniq qinnuteqaatinilluunniit ataatsimiititaliap suliarinninnerani atugassatut ingerlatseqatigiiffimmit pineqartumit, pisariaqarpat aktieselskabit pillugit inatsimmi ingerlatseqatigiiffiulluunniit malittarisassaani periarfissiissutaasut atornerisigut, paasissutissanik erseqqinnerusumik nalunaakkanik pissarsiniarnissamik Aningaasaqarnermut Ataatsimiititaliap Naalakkersuisut peqqusinnaavai. |

Siunnersuummut ilanngunneqarpoq aammattaaq ilaasussanngorlugit "... allatulluunniit aningaasatigut iluaqusiinissanik pingaarutilinnik ..." aktiaateqarluni ingerlatseqatigiiffinnut Namminersornerullutik Oqartussanit tamakkiisumik ilaannakuusumilluunniit pigineqartunut.

Allannguutissatut siunnersuummi aningaasaliissutissanik qularnaveeqqusiissutissanillu qinnuteqaateqarnermut atatillugu aktiaateqarluni ingerlatseqatigiiffiit Namminersornerullutik Oqartussanit tamakkiisumik

ilaannakuusumilluunniit pigineqartut pillugit paasissutissanik pissarsiniartarnissat
pisariaqartut eqqaamaniarnissaat sillimaffiginiarneqarpoq.